

جَزَائِرَ حَاكِمَتِ

❖ صالٰ ❖

نومرو	رجب	سنه	مايس	سنه	صيفه
٢٠١	٨	١٣٠٠	٣	١٢٩٩	١٦٠١

❖ اشبو غزته بهر هفته صالٰ كونلري چيقار . سنه لکي مجيدي اچه التمش غروشدن بهر نسخه سي التمش
❖ پاره مجيدي به اوله رق هر يرده صاتيلور . درج اولنه جق اعلاناتک بهر سطرندن ايکي غروش النور .
❖ سنه لکنه مشري اولمق استيانلر عدليه نظارت جليله سي اوراق مدير لکنه مراجعت ايتليدر

(توجيهات عدليه)

بک اوغلي بدايت محکمه سي مدعي عمومي معاونلکي
استيناف محکمه سي مدعي عموميلکي دائره سي
ملازملرندن محمد درويش بکه توجيه بيورلشدر

(عدليه نظارت جليله سندن في ٢٦ نيسان)
(سنه ٩٩ تاريخنده در سعادت و ولايات عدليه)
(مقتشلاکرينه يازيلان محررات صورتيدر)

منافع عموميه ايچون استملاک قانوننه ذيلاً قوميسيون
مخصوصنجه قلمه النوب مجلس وکلا قراريله بالاستيدان
مرعيتنه اراده سنیه جناب پادشاهی متعلق بيورلش
اولان فقره قانونيه نك نسخ مطبوعه سندن دوائر
سائر مه کوندردلديکي کبي بر نسخه سنک دخي دائره

عدليه لفا کوندلديکي بيان عالي سيله اقتضاسنک
اجراسي مقام ساعي جناب وکالت پناهيدن شرفوارد
اولان تذکره ساميده امر و اشعار بيورلش و منطق
منيفي وجهله معامله اجراسي خصوصنک صوب
ازباري امور حقوقيه ميريتندن افاده
واشبو تحريرات ايله فقره مذکورنک نسخ مطبوعه
سندن يکرمي بشر عدد لفا ارسال قلتمش اولغله
اولوجهله ايفاي مقتضاسي

(فقره نظاميه صورتيدر)

اشبو قانوننک ايکنجی فصلنده مندرج معاملات اوليه
اجرا اولندقدن صاحب ملک تعيين اولنان قيمته راضي
اولمزه قيمت مخنه احتياطاً يوزده يکرمي فضله
ايله بانقيه و يا قانوناً تعيين اولنان محله تسليم اولندقدن

واولباذه النان مقبوض سندی حکومت اجرائیه
اعطاءلمندقدنصره النسی لازم کلان ملک جانب حکومتدن
مشتري اولان طرفه تسليم ايتدير يلور شو قدر که
اشبو معامله طرفينک ذکر اولنان قانون ايله حائر
اولديغي سائر حقوقنه قطعاً خلل و یرمیه چکدر

(محکمه تمیز جزا دأره سندن و یریلان فی ۲۱)
(جادی الآخره سنه ۱۳۰۰ وفی ۲۰ نيسان)
(سنه ۹۹ تاریخی و یوز قرق ایکی نومرولی)
(اعلامک صورتیدر)

اجزای قسطاکی ولد یانقو حقنده اقامه ایدیلان
ساخته کارلق دعواسی اوزرینه مرقومک منع
محاکمه سنه دأر در سعادت هیئت اتهامیه سندن
و یریلان فی ۱۵ شوال سنه ۹۹ وفی ۱۷
اغستوس سنه ۹۸ تاریخی و یوز یتش اوج
نومرولی مضبطه نک تمیز آرو بی مستدعی شخصی
قز انجی میناس طرفندن مدت نظامیه سی ظرفده استدا
و باش مدعی عمومیلک مأموریت بهید سندن و یریلان
فی ۱۷ صفر سنه ۱۳۰۰ وفی ۱۶ کانون اول
سنه ۹۸ تاریخی و ینک اوچیوز سکسان اوج
نومرولی تبلیغنامه ايله محکمه تمیز جزا دأره سنه
اعطا قلمغله لدی المطالعہ مذکور تبلیغنامه ده
کوسترلدیکی وجهله قرار مذکور اساساً حقوق
عمومیه به متعلق بر دعوا دن مظنون علیه حقنده
کوستر یلان دلائل مدار اتهام اولدیغنی متضمن
اولوب بومثالو قرارلک نقضی ادمايه مدعی شخصینک
صلاحیتی اولدیغنی اصول محاکمات جزاییه قانون
موقتک اوچیوز اون سکرنجی ماده سی اقتضا سندن

بولندیغنی جهتله استدعای مذکورک ردینه قرار
و یرلدی

(فی ۲۴ جادی الاولی سنه ۱۳۰۰ وفی ۲۱)
(مارت سنه ۹۹ تاریخی و قرق بش عدلیه)
(محکمه تمیز جزا دأره سندن و یریلان اعلامک)
(صورتیدر)

بولی سنجاغی بدایت محکمه سنک فی ۲۸ رمضان
سنه ۹۷ وفی ۲۲ اغستوس سنه ۹۶ تاریخی
ورق اوج نومرولی اعلامیه اوراق متفرعه سی
قسطمونی ولایتی مدعی عمومیلک سندن غره ذی
القعدة سنه ۹۸ وفی ۲۴ ایلول سنه ۹۶ تاریخی
وسکسان نومرولی تحریرات ايله ارسال و باش مدعی
عمومیلک مأموریت بهید سندن فی ۵ صفر سنه
۹۸ و ۲۵ کانون اول سنه ۹۶ تاریخی و قرق
بر نومرولی تبلیغنامه ايله محکمه تمیز جزا دأره سنه
اعطا قلمغله مطالعه اولندی

مذکور اعلامک مالی ارکلی قضاسنه تابع سجوالی
دیوانک حاجی قریه سی اهل بسندن کرلی اوغلی
علینک زوجه سی عابده خاتونی قتل ایل سندن طولای
هیئت اتهامیه ده جنایتله اتهام ایدلدکن صکره
اجرا قتلان محاکمه علیه ده قتل مذکورک بالهور
کندوس سندن صدور ی اقرار یله تحقیق ایلدیکندن
قانون جزانک یوز یتش دردنجی ماده سنه توفیقاً
و تاریخ توقیفی اولان طقسان التی سنه سی رجینک
طقوزنجی کونندن اعتباراً بعد التشهیر اون بش سنه
مدتله کور که قونل سنه حکم اولدیغنی متضددر

ذکر اولنان تبلیغنامه ده دعوی مذکورک اصول
ثبوتیه سیله حکم قانونه جهت تطبیقی موافق حال
ایسه ده حکمک مستند اولدیغنی متن قانون اعلام

مذکوره تمامیه درج ایدلدیکی کبی محکومه حکم
اولنان فرارک تفهیم و بعد التفهیم اخطارات قانونیه نک
اجرا اولندیغنه و قانون موقتک جنایاتک اصول محاکماتنه
دأر اولان دردنجی و محاکمه و حکم و تنفیذ بیاننده
بولنان بشنجی فصللرینک مواد مندرجه سنده
کوسترلدیکی اوزره اصول محاکمه جهه معین اولان
معاملات سائر نک اجرا قلندیغنه دأر اعلام مذکورده
صراحت کور یله مامش و اوراق دعاویدن معدود
اولان ضبطنامه ورقه سی دخی تنظیم و ارسال اولنماش
اولسنه نظراً اوچیوز التنجی ماده حکمجه معاملات
واقعہ نک کان لم یکن حکمنده عدا یلدیسی لازم کله چکنه
و بوا یسه اسباب نقضیه دن بولندیغنه بناء مقتضای
نظامی سنک اجراسی طلب اولنمشدر

سائر اوراق دعوی قرآنله تدقیقات تمیزیه لدی
الابتدار تبلیغنامه ده کوسترلدیکی وجهله محاکمه
واقعہ اصول محاکمات جزاییه قانونی احکامنه
مغایر اوله رق جریان ایتش و قانون مذکورک اوچیوز
التنجی ماده سی حکمجه اقتضا ایدن ضبطنامه دخی
تنظیم ایدلماش اولدیغنه بناء اوچیوز اون دردنجی
ماده قانونیه موجبجه اعلام مذکورک نقضنه
و احکام قانونیه به توفیقاً رؤیت دعوی اولنق اوزره
اوراقیله برابر محکمته اعاده سنه و خرج تعرفه سنک
قرقنجی ماده سی موجبجه تمیز اعلامی خرجی اولان
ایکیوز غرو شک اخذ و استیفا سنه قرار و یرلدی

(فی ۲۰ جادی الاولی سنه ۱۳۰۰ وفی ۱۷)
(مارت سنه ۹۹ تاریخی و یکریمی نومروسیله)
(محکمه تمیز جزا دأره سندن و یریلان اعلامک)
(صورتیدر)

بغداد ولایتی محکمه استیناف جزا دأره سنک فی ۱۱
ربیع الآخر سنه ۹۷ وفی ۱۱ مارت سنه ۹۶
تاریخی و یکریمی بش نومرولی اعلامیه اوراق
متفرعه سی ولایت مشار الیه مدعی عمومیلک سندن
فی ۲۳ ربیع الآخر سنه ۹۷ وفی ۲۳ مارت سنه
۹۶ تاریخی و قرق طقوز نومرولی تحریرات ايله
ارسال و باش مدعی عمومیلک مأموریت بهید سندن
فی ۲۱ ذی القعدة سنه ۹۷ وفی ۱۳ تشرین اول
سنه ۹۶ تاریخی تبلیغنامه ايله محکمه تمیز جزا
دأره سنه اعطا قلمغله مطالعه اولندی

مذکور اعلامیه بالانی عشرتدن صالح بن مصطفانک
اوزرینه مجهول الاسامی رفیق یله جبل مرواری
نام محمله بالهجوم اشیا سی غصب ایل سندن طولای
مظنون علیه بولنان عزیز بن فتاحک بوفعله جرأنی
اخبار اولنان اقرار یله ثابت اولدیغندن جزا قانون
نامه هما یونک التمش ایکنجی ماده سی ذیلک فقره
اولاسنه توفیقاً درت سنه مدتله کور که قونل سنه
و مصارف محاکمه نک تحصیلنه حکم اولنهرق تبلیغ
قلندیغنی کوسترلمشدر

تبلیغنامه ده دخی مرقوم عزیزک اقرار ینی ایشیدن
دیگر عزیز و محمد و صالح طرفندن اولنان اخباره
نظراً اشیا مذکورک صورت اخذی تطبیق قتلان
ماده مذکور ذیلنه توافق ایتیبوب چونکه هر تقدیر
عزیز ایچون او یغونسز مقوله سندن اولدیغنی بیان
اولنیور ایسه ده بوجهتک ثبوتنه دأر صراحت
کوسترلدیکی کبی مرقومک شقاوت مستمره احکامندن
اولوب طاعلرده و قیرلرده مسلح اولدیغنی حالد کزهرک
راست کلدیکی یوچیلری طوتوب صومیق فضیحه سی
ارتکاب ایدن طاقندن بولندیغنی اکلاشیه مدیغنه مبنی
فعل و حرکتک تعیینجه و قانونه جهت تطبیقجه اصابت
کور یله مامش و مع مافیه مرقوم عزیزک جبراً صالحک

جهتجه دخی اصابت کور یله مدیکنه بناء قانون
مذکورک اوچیز اون دردنجی ماده سنه توفیقاً ذکر
اولنان اعلامک نقصنه واحکام قانونیه دائره سنده رؤیت
کیفیت ایدلک اوزره اوراق مرقومه نک محله اعاده سنه
وخرج تعرفه سنک قرقچی مادیسی موجبجه تمیز
اعلامی خرجی اولان ایکوز غروشک اخذواستیفاسنه
قرار ویرلدی

(فی ۲۶ جادی الاولی سنه ۱۳۰۰ وفی ۲۳ مارت)
(سنه ۹۹ تاریخی ویتش ایکی نومروسیله محکمه)
(تمیز جزا دائره علیه سندن ویریلان اعلامک)
(صورتیدر)

اطنه ولایت تاج طرسوس قصبه سی ساکنلرندن
قدسی قهوجی محمدک قصبه مذکورلی عبداللهی
اثنای منازعه ده من غیر تعمد بحاقله جرح وقل
ایلدیکی امارات ایله ثابت اولدیغندن یوزیتش
دردنجی ماده قانونیه تطبیقاً اون بش سنه مدله
کورکه قونلشنه دائر مقدما طنه مرکز بدایت
محکمه سندن تنظیم و محکمه استینافیه سندن تصدیق
قلمش اولان مضبطه محکمه تمیز جزا دائره سندن
لدی التدقیق خصوص مذکور مرکز ولایت اولان
سبحاقده وقوعبولش اولدیغی جهتله محاکمه و حکمی
محکمه استینافه عائد ایکن حکم مذکور بدایت
محکمه سندن برکونه محاکمه اجرا اولقمسین ویرلش
اولدیغنه واسباب سائر یه مبنی حکم مذکورک تصدیق
قابل اولدیغندن نقض واعاده قلمسی اوزرینه بوکره
ولایت مشار الیه محکمه استینافیه سندن ویریلان
فی ۱۹ صفر سنه ۹۸ وفی ۷ کانون ثانی سنه
۹۶ تاریخی واوزونومرولی اعلام اوراق مترعه
سیله برابر ولایت مشار الیه مادیسی عومیلکنندن

اشیاسنی الدیغی مع التاویل اقرارندن وخبیرلک افاده
لرندن اسکلاشلش اولدیغندن مرقومک حرکت
مشروحه سی ایکوز یکرمی برنجی ماده قانونیه نک
برنجی فقره سنه موافق بولنش اولدیغنه کوره حکم
واقعک نقصیه اصول محاکمات جزایه قانون موقتک
اوچیز قرقچی ماده سنه توفیقاً تصحیح نوع ودرجه سی
ادما وطلب اولمشدر

تدقیقات تمیزیه اجرا اولندقدده مرقوم عز بزحقده
هیئت اتهامیه دن ویرلش اولان مضبطه ده مادیسی
عومینک ادما سی وجرمک تعریف مجملیه قانونک
قنغی ماده سنه نظراً جنایتدن معدود اولدیغی تصریح
قلمماسی و متهمک منسوب اولدیغی محکمه توقیف
خانه سنه کوندرلسی امری مندرج اولماسی اصول
محاکمات جزایه قانونک ایکوز اون بش وایکیوز
اون النجی ماده لری موجبجه ذکر اولنان مضبطه
اتهامیه نک وانی تعاقب ایدن معاملاتک کان لم یکن
حکمنده قلمسنی مستلزم اولدیغی کبی اثنای محاکمه ده
طوتلسی لازم کلان ضبطنامه ده جریان ایدن کافه
احوال و معاملات و تحقیقاتک قانونده کوستریلان
استنادن ماعدا کاملاً و تفصیلاً مندرج اولسی لازم
کلورایکن یالکزموا قانونیه نک احکامی اجرا اولدیغی
بیان ایله اکتفا اولمسی مذکور ضبطنامه نک دخی
اوچیز النجی ماده قانونیه موجبجه کان لم یکن
حکمنده عد اولمسی موجب اولدیغنه و محاکمه
جاریه نک دخی قانون مذکورک جنایاتک اصول
محاکماتنه دائر اولان دردنجی و محاکمه و حکم و تنفیذ
بیاننده اولان بشنجی فصللارنده محرر احکامه توفیق
ایلدیکی اعلامک صورت تنظیمدن اسکلاشلدیغنه
وخبیرلک افاده سی مرقوم عز یرک بواسیای ضرر
وزیانه مقابل الدیغی اقرار ایلدیکی بیانندن عبارت
اولسنه و تبلیغنامه ده بیان اولدیغی وجهله تطبیق

فی ۱۱ ربیع الاول سنه ۹۸ وفی ۲۹ کانون ثانی
سنه ۹۶ تاریخی ویتش اوچ نومرولی تحریرات
ایله ارسال و باش مدعی عومیلک مأموریت بهیه سندن
فی ۱۷ صفر سنه ۱۳۰۰ وفی ۱۶ کانون اول سنه ۹۸ تاریخی
و پیک اوچیزیتش اوچ نومرولی تبلیغنامه ایله محکمه
تمیز جزا دائره سنه اعطا اولمقله مطالعه قلندی

مذکور اعلامده مرقوم محمدک مزبور عبداللهی اثنای
منازعه ده من غیر تعمد جرح و اتلاف ایلدیکی اخبارات
وامارات ایله تحققی ایتش اولدیغندن قانون جزا نک
یوزیتش دردنجی ماده سنه تطبیقاً اون بش سنه
مدله کورکه قونلشنه وضبط و اعلام خرجلری اولان
اوچیز اوتوز غروشک مرقوم محمدک تحصیله
حکم اولنهرق تبلیغ قلندقدده اعلام مذکور علیه نه
اعتراض لایحه سی تقدیم ایدجکی سویلدیکی
کوسترلشدر

اولیاده محکوم علیه مرقوم طرفندن ویریلان لایحه
اعتراضیه ده دخی علیه نه استماع اولنان شاهدلرک
شهادتی محکومیتی مستلزم اولیوب برانته دائر
اولدیغندن اعلامک نقضی طلب اولمشدر

ذکر اولنان تبلیغنامه ده دخی اعتراض واقع محکمه نک
تقدیرینه محمول مواددن بولنش ایسه ده انجیق اصول
محاکمات جزایه قانون موقتک ایکوز طقسان النجی
وایکیوز طقسان یدنجی ماده لری موجبجه مادیسی
عومینک تعیین مجازات ادما نامه سی اعطا ایلدیکنه
وانک اوزرینه متهم و وکیلک استجواب قلندیغنه
وایکیوز التمش دردنجی وایکیوز التمش بشنجی وایکیوز
التمش النجی و اوچیز بشنجی ماده لرده محرر اولان
اخطارات قانونیه ایفا اولندیغنه دائر ضبطنامه ایله
اکامستند اولان اعلام مذکورده صراحت کور یله
مدیکنه مبنی اعلام مذکورک نقضی طلب ایلدیشدر

سائر اوراق دعاوی دخی قراثله خصوص مذکور
تمیزاً تدقیق اولندقدده مذکور تبلیغنامه ده کوسترلدیکی
اوزره لایحه مذکورده درمیان اولنان مواد امور
تقدیریه دن اولوب انجیق قانون مذکورک ایکوز
طقساننجی ماده سی منطوقجه متهم مرقوم فعل
مذکورک مرنکی اولدیغنه قرار ویرلدکن صکره
ایکیوز طقسان النجی وایکیوز طقسان یدنجی
ماده لری موجبجه مادیسی عومینک تعیین مجازات ادما
نامه سی اعطا ایلدیکنه وانک اوزرینه متهم و وکیلک
مدافعه لری استماع قلندیغنه دائر محاکمه ضبطنامه سنده
اشارت اولدیغی کبی اعلامده دخی صراحت کور یله
مدیکندن اعلام مذکورک نقصنه واحکام قانونیه
دائره سنه رؤیت اولنق اوزره اوراقیه برابر محله
اعاده سنه وخرج تعرفه سنک قرقچی مادیسی
موجبجه تمیز اعلامی خرجی اولان ایکوز غروشک
اخذواستیفاسنه قرار ویرلدی

(فی ۵ ربیع الاول سنه ۱۳۰۰ وفی ۳ کانون)
(ثانی ۹۸ تاریخیله در سعادت بدایت محکمه سی)
(برنجی حقوقی دائره سندن ویریلان اعلامک)
(صورتیدر)

پاپاس اوغلی لازاری وواسیل والیسایت وکیلی
محمود پاشاده قانطو خائنده ساکن دعوی وکیللرندن
سلیمان افندیکن فی ۳۰ تشرین ثانی سنه ۹۷
تاریخنده در سعادت بدایت محکمه سی برنجی حقوق
دائره سنه اعطا ایلدیکی عرضحالنده اورفه متصرفی
متوفی سلیمان رشدی بک حلیله سی حوا خانمک علیه نه
اولهرق فی ۱۱ تشرین ثانی سنه ۹۷ تاریخ ووز
التمش سکر عددیه محکمه دن استیصال ایتش اولدیغی

التي قرارلنده مذکور دکرمان دروننده ذکر اولنان
ما کتبه نك مزایده علیه سنك اجراسیله قرار
قطععیسی و یر یله جکندن طالب اولنلرک تعیین اولنان
یوم وساعتده محل مذکورده موجود بولملری اعلان
اولنور فی ۳۰ نیشان سنه ۹۹

حاجی احمد اغا نك $\frac{99}{108}$ نومرولی اعلام موجبجه
خداروس مارقوسیانہ دینی اولان مبالغ معلوم نك
تأمین استیفاسی ضمننده در سعادته امیر محله سنده
تیمور قیوجاده سنده ۱۴ و ۱۸ نومرولی مقدا
ایکی باب خانه الیوم التي باب دکان مجددا انشا
اولنمش اولدیغندن مذکور دکانلردن قهوه دکانك
نصف حصه شایعه سنك تاریخ اعلانن اعتباراً
اون بش کون صکره بالمزایده فروخته تثبیت ایدیلجه
بک اوغلی بدایت محکمه سی اجرا مأموریتی جانبندن
اعلان اولنور فی ۳۰ نیشان سنه ۹۹

اعلانات

متوفی محمد شاکر افندی ورثه سنك $\frac{2}{85}$ نومرولی
اعلام موجبجه سعادتلو چوت اورامیدی افندی به
محکوم به دینارینك تسویه سی ضمننده غلطه ده
عرب جامع شریفی جوارنده الاجه مسجد زقاقنده
کائن ۱۳ و ۱۵ نومرولی بر باب دکرمان دروننده
هنوز محله وضع اولنماش مجدد رت طاشلی آتش
ما کتبه سیله ایکی قزغانك مع ادوات فروختی محکوم
اولوب بک ایکوز لیرایه خانیله رشید افندی طالب
بولنمش اولدیغندن اشبو مایسک یدنجی جمعه ایرتسی
کونه قدر ضم وقوع بولدیغی حالده قبول اولنه جغندن
بک اوغلی بدایت محکمه سی اجرا دائره سنه مراجعت
اولنمی ومدت مذکور ختامنده یوم مذکورده ساعت

در علیه ده برنجی دائره بلدیله داخلنده ایازمه قیوستنده
واقع بشبوز ایکی نومرولی بر باب حویارجی دکانك
یوز یکر می سهم اعتبار یله مناصفه مشترک اولدقلری
اون بر سهم بر پول کدک حصه لری

در علیه ده یدنجی دائره بلدیله داخلنده ارن بود کونک
کلیسا زقاقنده طرفینی طریق بر طرفی قایقچی
اپوستولای و طرف دیگر لری اندونای خانه لریله
محدود بر باب بقال دکانده یوز یکر می سهم اعتبار یله
دفتر خانه جه پدر لری حاجی طومه نامنه مقید اولوب
وقوع وفاتیلله مخدوملری تیودوس و خربلوسک
ارثاً متصرف بولندقلری سکسان حصه ملک و کدی

طقسان سکز سنه سی تشرین ثانینک ابتداسی اولان
بازار ایرتسی کیجه سی بیغا قضا سنده چاک ناحیه سنه
تابع صورمه قریه سی ساکنلردن محمد امینک زوجه سی
احسانه بی لیلان خانه سنندن جبراً قالدربوب قاچرمش
اولمردن طولای مزنون علیه اولانلردن اورته بویلی
قره یقلی الا کوزلی اسمر بکزی قره طاغلی شهرتیه
مشهور خلیل اوغلی اوتوز یاشنده دلی احمدک الده
ایدیلان رفیق یله برابر فعل مذکورده جرأته فرار
ایتدیکی اوراق تحقیقه مألرندن اکلشلس و حرکت
واقعه سی قانون جزانك ایکوز التجی ماده سنك
علاوه سی حکمی مستلزم جنایاتدن بولنمش اولدیغندن
بیغادایت محکمه سی جزا دائره سننده غیاباً محاکمه سی
اجرا اولنق اوزره جنایتله اتهامنه قرار ورلش اولمغه متهم
مر قوم هر زده کور یلور ایسه اخذ و گرفت اولنهرق
محکمه مذکورده حبس خانه سنه تسلیمی لازم کله چکی
بالجمله ضابطه عدلیه مأمور لری نك معلومی اولنق اوزره
اشبو اخذ و گرفت امری هیئت اتهامیه دن و یریلان
مذکره اوزرینه اعلان اولنور

فی ۲۹ جادی الآخره سنه ۱۳۰۰ و فی ۲۵ نیشان سنه ۹۹

تبعه دولت علیه نك روم ملنندن و تبحاردن نیکه لی
هاجی یقولا اوغلی پترای افندی نك عن اصل نیکه لی
اولوب حالا اطنه ولایتنه تابع طرسوس قضا سننده
ساکن او طه باشی اوغللری هاجی تیودوس و برادری
خربلوس ذمتلرنده نیکه نك ملغا محکمه تجارتک فی
۲ مارت سنه ۹۴ تاریخ ویدی نومرولی اعلامی
موجبجه محکوم به مظلوم نك تأمین استیفاسی ایچون
اقدیمجه تحت حظه النان بالاده حدودلری محرر
در علیه ده یدنجی دائره بلدیله داخلنده ارن بود کونک
کلیسا زقاقنده کی بر باب بقال دکانك یوز یکر می حصه
اعتبار یله سکسان حصه ملک و کدک لری ایله کذا
در علیه ده ایازمه قیوستنده واقع بشبوز ایکی نومرولی
بر باب حویارجی دکانده یوز یکر می سهم اعتبار یله
مناصفه مشترک اولدقلری اون بر سهم بر پول
حصه لری تاریخ اعلانن اعتباراً اون بش کون صکره
بالمزایده فروخت اولنه جغندن اشتراسنه طالب اولنلرک
نیکه اجرا دائره سنه مراجعت ائلری بجه یه اعلان
اولنور فی ۱۴ نیشان سنه ۹۹

احمد افندی نك علی افندی ذمتنده با اعلام الاجفی اولان
مبالغ معلومه نك تأمین استیفاسی ضمننده تحت حظه
النان مدیون مومی الیهک اسکدارده کور بقال
جوارنده عرب به جی حاجی جعفر اغا محله سننده اون ایکی
نومرولی خانه ده اولان نصف حصه سنك فروختی
مقرر اولمغه تاریخ اعلانن اعتباراً اون بش کون
صکره مزایده سنه مبادرت اولنه جغنی اسکدار بدایت
محکمه سی اجرا دائره سنندن اعلان اولنور
فی ۱۲ سنه نیشان ۹۹

طقسان طقوز سنه سی جادی الآخره سنك یکر می
بشنجی بازار کونی قرتال قضا سنه تابع صماندره قریه سی
امامی لوفجه لی ابراهیم افندی نك کریمه سی عایشه بی
بولده جبراً طوتوب بر قایچ کون قیرلرده کردیررک
بکرینی ازاله ایتمسندن طولای مزنون علیه اولوب
فرارده بولنان لوفجه لی حسن بن عثمان ایله برادری
مصطفی وانشته سی صالح حقارنده جریان ایدن
تحقیقات استنطاقیه و معامله قانونیه اوزرینه
مر قومون هیئت اتهامیه جه جنایتله اتهام اولندقدن

صکره اصول محاکمات جزائیہ قانون موقتک اوچیز
یتش برنجی ماده سی موجبہ حقارندہ معاملہ مقتضیہ
ایفا و محاکمہ غیایہ لری اجرا اولندرق مرقوموندن
حسنک جزا قانوننامہ ہمایونک یوز طقسان سکرنجی
مادہ سی احکامنہ توفیقاً بعدالتشہیر بش سندہ و مصطفی
وصالحک دخی قرق بشنجی مادہ ایلہ ایکیز التنجی
مادہ نک فقرہ اخیرہ سی احکامنہ تطبیقاً اوچر سندنہ
مدت کورک جزالریہ مجازات اولنلری وایکیوزنجی
مادہ منظوقبجہ ضمان بکر اولق اوزرہ اوچبیک
غروشک مرقوم حسندن بالتحصیل مدعیہ شخصیه یہ
اعطاسنہ و مرقومونک اوتوز برنجی مادہ مدلولنجہ
حقوق مدنیہ دن اسقاطلریہ و اصول محاکمات جزائیہ
قانون موقتک حکم غیابی فصلندہ محرر اولان مواد
احکامنہ توفیقاً حقارندہ اجرای معاملہ ایدلسنہ
محکمہ جنایتدن حکم اولنملہ ایجابی بالاجرا اعلان
کیفیتہ ابتدار قلندی

فی ۲۹ جمادی الآخر سنہ ۱۳۰۰ و فی ۲۵ نیسان سنہ ۹۹

روسید دولت فخریہ سی تبعہ سندن مراد اوغلی بغوص
افندیکن اون درت یاشندہ بولنان کریمہ سی تقوہی یی
بالاغفال طقسان سکر سنہ سی کانون ثانیسنک اون
سکرنجی صالی کیجہ سی ساعت طقوز قرارلرندہ بیوک
اطہدہ کائن خانہ سندن قاچرملرندن و برطاق ذی
قیمت اشیاسنی سرقت ایتلرندن طولای جنایتلہ اتهام
اولنوب فرادہ بولنان قیصہ بویلی قرہ چهرہ لی سیبہ
واینجہ بیقی الاکوزلی یوارلق چککلی دوز النلی
صاچلی اورتہ برونلی سلیمی اصنافندن انسسطاش

ولد نیقولہ نام شخص شمدی یہ قدرالہ پکور یلہ مدیکی
جهتله اصول محاکمات جزائیہ قانون موقتک اوچیز
یتش برنجی ماده سی احکامنہ توفیقاً قانونہ اطاعتلہ
محکمہ یہ کلک اوزرہ جانب ریاستدن واشبوتار یخدن
اعتباراً فراری مرقوم انسسطاشہ اون کون مهل
ویرلش اولنملہ مدت مذکورہ ظرفندہ محکمہ یہ
کلدیکی حالده قانونہ اطاعت ایتامش نظریلہ باقیلہ رق
محاکمہ غیایہ سی بالاجرا حقوق مدنیہ دن اسقاط
اولنوب مالی دخی جز ایدیلہ جکی و بوائنادہ برکونہ
دعوی اقامہ سنہ حتی اولہ میہ جفی و بولندیغی محلی
پیلنلر خبر ویرمک و بالجللہ ضابطہ عدلیہ مأمورلریکن
کندوسنی طومتغہ مجبور بولندقلری و مرقوم حقندہ
اخذ و گرفت امری ویرلش اولدیغی بیانیلہ کیفیتک
اعلانہ ابتدار اولندی

فی ۲۹ جمادی الآخر سنہ ۱۳۰۰ و فی ۲۵ نیسان سنہ ۹۹

فاطمہ رقیہ خانمک علی چاوش ذمتندہ با اعلام شرعی
الاجفی اولان مبالغ معلومہ نک تسویہ سی ضمنندہ
مدیون مرقومک قائم پاشادہ جامع شریف زقاندہ کائن
یکرمی سکر نومروایلہ مرقم بریاب خانہ دہ اولان نصف
حصہ سنک تاریخ اعلاندن اعتباراً اون بش کون
صکرہ فروختنہ تشبث اولنہ جفی اعلامات شرعیہ
اجرا دأرہ سندن اعلان اولنور

فی ۲۵ نیسان سنہ ۹۹

مطبعہ عامرہ طبع اولندی